

وليه

ليه لما النسيم
 بيعدي بين شعراتي
 بسمع ضحكك
 ليه لما الورود بتفتح
 بلاقي روعي بلتقت
 ادور عليك
 مهني الورود في حياتي
 هي بصمتك
 ليه لما الحياة
 بتقفل أدامي كل السكك
 يفضل طريقك هو أمني
 واختار سكتك
 ليه لما عيوني تبقى حزينة
 و قلبي مليان بالألم
 بشوف شعاع من نور
 يديني الأمل من نظرتك
 ليه لما تضيق انفاسي

و يموت جوايا احساسى
و أحاول اكتب عن الحياة
اروح لذكرى حلوة
رسمتها يوم بسمتك
ليه بقيت أنا وانت
روح واحدة
اتجسدت في كياني
خلقت مني حد ثاني
حتى كل أفكاري
لو هراجع نفسي
في كل فكرة
هقول دي فكرتك
ليه كل الأماكن
إلي بروحها
ظلمة في عينية
مش لاقية فيها حنية
و لما أقابلك صدفة
بنسى نفسى

و بنسى قسوتك
 مع اني عارفه
 إيه هي الحكاية
 و إيه قصتك
 و عارفه إني
 كنت البداية
 و أنا النهاية
 و مهما رحت بعيد
 هفضل أنا دنيته
 قررت خلاص
 انسى الزعل و أعيش
 بالذكريات الحلوة
 ماهي فيها رحته
 و فيها صورتك
 و معاها مكتوبلي
 أعيش جنتك